

457 Dô disiu rede was getân,
 dô sprach aber der guote man:
 »ich bin râtes iwer wer.
 nû sagt mir, wer iuch wîste her.«
 5 »hêrre, ûf dem walde mir widergienç
 ein grâ man, der mich wol enpfienç.
 als tet sîn massenê.
 der selbe valsches vrîe
 hât mich zuo ziu her gesant;
 10 ich reit sîne slâ, unz ich iuch vant.«
 der wirt sprach: »daz was Kahenis;
 der ist werdeclicher vuore wîs.
 der vürste ist ein Punturteis;
 der rîche kûnec von Kareis
 15 sîne swester hât ze wîbe.
 nie kiuscher vruht von lîbe
 wart geboren denne sîn selbes kint,
 diu iu dâ widergangen sint.
 der vürste ist von kûneges art.
 20 alliu jâr ist zuo mir her sîn vart.«
 Parzival zem wirt sprach:
 »dô ich iuch vor mir stênde sach,
 vôrht ir iu iht, dô ich zuo ziu reit?
 was iu mîn komen dô iht leit?«
 25 dô sprach er: »hêrre, geloubet mirz,
 mich hât der ber und ouch der hirz
 erschrecket dicker denne der man.
 eine wârheit ich iu sagen kan:
 ichn vûrhte niht, swaz mensche ist;
 30 ich hân ouch menschlichen list.

Dô (om. I) diu r. *G (ohne Z) (*T)

hât mich her ziu g.; *T (I O L)

daz ist ([*]; waz V) K.; *T (I)

v. alwîs. *G (ohne O) *T

w. nie (Nie wart G) geboren *T (G)

ist ze mir sîn *T (O)

ich iu. bî mir (uwer ôge mich vor vch V) *T (O L)

zuo iu r.? *G (ohne G) *T

er: »nû gloubet *T (nur T)

bêr *G (nur G) · ouch om. *T O

e. ê danne *T (nur T)

*D: D *m: m *G: G I O L Z *T: T V

1 Initiale D G I O L Z V 5 Majuskel T 9 nicht ausgeführte Illustration O 11 Majuskel T 15 Initiale I 21 Initiale T 25 Majuskel T

1 disiu] diu *m 4 nû saget mir: wer wîset iuch her? *m (L V) · iuch wîste] iv wiste D 5 dem] disem *m 9 zuo ziu her] her zuo iu *m 11 Kahenis] [Ga*nîs]: Gabenîs D 12 wîs] als wîs *m 14 Kareis] Clareise (clarieste m) *m 17 selbes] om. *m 19 von] des *m 20 alliu] alle D · zuo mir her] her zuo *m 22 stênde] stên *m 23 ziu] iu *m 25 dô sprach er: »nû gloubet mirz, *m 29 mensche] menschlich *m